

REGLUGERÐ FRAMKVÆMDASTJÓRNARINNAR (ESB) nr. 594/2012

2013/EES/20/32

frá 5. júlí 2012

um breytingu á reglugerð (EB) nr. 1881/2006 að því er varðar hámarksgildi fyrir aðskotaefnin okratoxín A, PCB-efni, sem ekki líkjast díoxíni, og melamín í matvællum (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð ráðsins (EBE) nr. 315/93 frá 8. febrúar 1993 um málsmeðferð fyrir Bandalagið vegna mengunarefna í matvællum ⁽¹⁾, einkum 3. mgr. 2. gr.,

og að teknu tilliti til eftirfarandi:

- 1) Með reglugerð framkvæmdastjórnarinnar (EB) nr. 1881/2006 ⁽²⁾ voru fastsett hámarksgildi fyrir tiltekin aðskotaefni í matvællum.
- 2) Með reglugerð framkvæmdastjórnarinnar (ESB) nr. 1259/2011 ⁽³⁾ um breytingu á reglugerð (EB) nr. 1881/2006 voru fastsett ný hámarksgildi fyrir PCB-efni, sem ekki líkjast díoxíni, sem gilda frá og með 1. janúar 2012. Rétt þykir að kveða á um að þau hámarksgildi gildi ekki fyrir matvæli sem voru sett á markað á löglegan hátt fyrir þann dag.
- 3) Með reglugerð framkvæmdastjórnarinnar (ESB) nr. 105/2010 ⁽⁴⁾ um breytingu á reglugerð (EB) nr. 1881/2006 voru fastsett endanleg, lægri hámarksgildi fyrir okratoxín A í kryddi, sem á að vera unnt að ná með því að beita góðum starfsvenjum. Til þess að gera kryddframleiðslulöndum kleift að koma á fyrirbyggjandi ráðstöfunum og til að raska ekki viðskiptum í óviðunandi mæli var í þeirri reglugerð enn fremur kveðið á um hærra hámarksgildi sem átti að gilda í takmarkaðan tíma. Í reglugerðinni var enn fremur kveðið á um að fara skuli fram mat á því hvort unnt sé að ná þessum lægri gildum fyrir okratoxín A á mismunandi framleiðslusvæðum í heiminum með því að beita góðum starfsvenjum. Mat þetta varð að fara fram áður en lægri hámarksgildi fyrir okratoxín A tækju gildi. Þó að umtalsverðar framfarir hafi komið í ljós varðandi beitingu á góðum starfsvenjum á mismunandi framleiðslusvæðum í heiminum er enn ekki

unnt að ná áformuðu lægra hámarksgildi fyrir okratoxín A í *Capsicum*-tegundum á samræmdan hátt. Því er rétt að fresta beitingu lægra hámarksgildis fyrir *Capsicum* spp.

- 4) Hveitiglúten er framleitt sem aukaafurð við framleiðslu á sterkju. Færðar hafa verið sönnur á að ekki sé lengur unnt, mögulega vegna breytinga á veðurfarsskilyrðum, að fara að núverandi hámarksgildi fyrir okratoxín A í hveitiglúteni, einkum við lok geymslutímabilsins, þrátt fyrir stranga beitingu góðra starfsvenja að því er varðar geymslu. Því er rétt að breyta núverandi hámarksgildi í gildi sem unnt er að ná með því að beita góðum starfsvenjum en sem veitir samt heilbrigði manna öfluga vernd.
- 5) Sérfræðinganefnd Matvælaöryggisstofnunar Evrópu um aðskotaefni í matvælaferlinu samþykkti 4. apríl 2006, að beiðni framkvæmdastjórnarinnar, uppfært vísindalegt álit í tengslum við okratoxín A í matvællum ⁽⁵⁾, þar sem tekið er tillit til nýrra vísindalegra upplýsinga, og ákvarðaði þolanlegan vikuskammt (TWI) sem nemur 120 ng/kg líkamsþyngdar. Í samræmi við niðurstöður úr álítnu, sem Matvælaöryggisstofnunin samþykkti, veita breytingarnar, sem gert er ráð fyrir að því er varðar okratoxín A í þessari reglugerð, áfram öfluga vernd fyrir heilbrigði manna.
- 6) Matvælaöryggisstofnun Evrópu samþykkti 18. mars 2010, að beiðni framkvæmdastjórnarinnar, vísindalegt álit í tengslum við melamín í föðri og matvællum ⁽⁶⁾. Niðurstöður úr því álítni sýna að váhrif af völdum melamíns geti leitt til myndunar kristalla í þvaggfærum. Kristallarnir valda nærpípluskemmdum í nýrum (e. *proximal tubular damage*), sem hafa komið fram í dýrum og börnum vegna atvika þar sem föður og ungbarnablanda hafa verið menguð með melamíni, sem leitt hefur til dauðsfalla í nokkrum tilfellum. Alþjóðamatvælaáskráráðið hefur fastsett hámarksgildi fyrir melamín í matvællum og föðri ⁽⁷⁾. Rétt þykir að taka þessi hámarksgildi upp í reglugerð (EB) nr. 1881/2006 til að vernda lýðheilsu þar eð þessi gildi eru í samræmi við niðurstöðurnar í álítni Matvælaöryggisstofnunar Evrópu.

(*) Þessi EB-gerð birtist í Stjtið. ESB L 176, 6.6.2012, bls. 43. Hennar var getið í ákvörðun sameiginlegu EES-nefndarinnar nr. 34/2013 frá 15. mars 2013 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. EB L 37, 13.2.1993, bls. 1.

⁽²⁾ Stjtið. ESB L 364, 20.12.2006, bls. 5.

⁽³⁾ Stjtið. ESB L 320, 3.12.2011, bls. 18.

⁽⁴⁾ Stjtið. ESB L 35, 6.2.2010, bls. 7.

⁽⁵⁾ Sérfræðinganefnd Matvælaöryggisstofnunar Evrópu um aðskotaefni í matvælaferlinu (CONTAM); vísindalegt álit um okratoxín A í matvællum (Scientific Opinion on Ochratoxin A in Food). Tiðindi Matvælaöryggisstofnunar Evrópu 2006, 365, bls. 1–56. Aðgengilegt á Netinu: <http://www.efsa.europa.eu/en/efsajournal/doc/365.pdf>

⁽⁶⁾ Sérfræðinganefnd Matvælaöryggisstofnunar Evrópu (CONTAM) um aðskotaefni í matvælaferlinu og sérfræðinganefnd Matvælaöryggisstofnunar Evrópu um efni sem komast í snertingu við matvæli, ensím, bragðefni og hjálparefni við vinnslu (CEF); Vísindalegt álit um melamín í matvællum og föðri. Tiðindi Matvælaöryggisstofnunar Evrópu 2010 8(4), 1573. [145 bls.]. doi:10.2903/j.efsa.2011.1573. Aðgengilegt á Netinu: www.efsa.europa.eu

⁽⁷⁾ Skýrsla um 33. fund sameiginlegrar áætlunar Matvæla- og landbúnaðarstofnunar Sameinuðu þjóðanna og Alþjóðaheilbrigðismálastofnunarinnar um matvælastaðla, Alþjóðamatvælaáskráráðið, Genf, Sviss, 5.–9. júlí 2010 (ALINORM 10/33/REP).

7) Því ber að breyta reglugerð (EB) nr. 1881/2006 til samræmis við það.

8) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra og hvorki Evrópuþingið né ráðið hefur andmælt þeim.

SAMÞYKKT REGLUGERÐ ÞESSA:

1. gr.

Breytingaákvæði

Reglugerð (EB) nr. 1881/2006 er breytt sem hér segir:

1) Fyrstu málsgrein 11. gr. er breytt sem hér segir:

a) Í stað inngangsmálsliðar komi eftirfarandi:

„Reglugerð þessi gildir ekki um vörur sem voru settar á markað fyrir þær dagsetningar sem um getur í a- til f-lið, í samræmi við þau ákvæði sem voru þá í gildi, eftir því sem við á.“

b) Eftirfarandi e- og f-liður bætist við:

„e) hinn 1. janúar 2012 að því er varðar hámarksgildi fyrir PCB-efni sem ekki líkjast díoxíni, sem mælt er fyrir um í 5. þætti viðaukans,

f) hinn 1. janúar 2015 að því er varðar hámarksgildi fyrir okratoxín A í *Capsicum* spp., sem mælt er fyrir um í lið 2.2.11 í viðaukanum.“

2) Viðaukanum er breytt í samræmi við viðaukann við þessa reglugerð.

2. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda á gildistökudegi, að undanskildum þeim ákvæðum, sem mælt er fyrir um í lið 2.2.11 í viðaukanum, sem koma til framkvæmda frá og með 1. júlí 2012.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 5. júlí 2012.

Fyrir hönd framkvæmdastjórnarinnar,

forseti.

José Manuel BARROSO

VIÐAUKI

Viðaukanum við reglugerð (EB) nr. 1881/2006 er breytt sem hér segir:

1) Ákvæðum liðar 2.2., okratóxín A, er breytt sem hér segir:

a) Í stað liðar 2.2.2 komi eftirfarandi:

„2.2.2.	Allar afurðir úr óunnu korni, þ.m.t. unnar kornafurðir og kornvörur sem eru ætlaðar til beinnar neyslu, að undanskildum matvælum sem eru tilgreind í liðum 2.2.9, 2.2.10 og 2.2.13	3,0 ⁴
---------	--	------------------

b) Í stað liðar 2.2.11 komi eftirfarandi:

„2.2.11.	Krydd, þ.m.t. þurrkuð krydd	
	<i>Piper</i> spp. (aldin, þ.m.t. hvítur og svartur pipar)	15 µg/kg
	<i>Myristica fragrans</i> (múskat)	
	<i>Zingiber officinale</i> (engifer)	
	<i>Curcuma longa</i> (túrmerik)	
	<i>Capsicum</i> spp. (þurrkuð aldin, heil eða möluð, þ.m.t. eldpirar (chilli), eldpirarduft, kajennpirar og paprika)	30 µg/kg til 31.12.2014 15 µg/kg frá og með 1.1.2015
	Kryddblöndur sem innihalda eina framangreindra kryddtegunda	15 µg/kg ⁴

c) Á eftir lið 2.2.12 bætist við eftirfarandi liður 2.2.13:

„2.2.2013.	Hveitiglúten sem er ekki selt beint til neytenda	8,0 ⁴
------------	--	------------------

2) Eftirfarandi 7. þáttur: Melamín og hliðstæð efni að byggingu, bætist við:

„7. þáttur: Melamín og hliðstæð efni að byggingu

	Matvæli	Hámarksgildi (mg/kg)
7.1.	Melamín	
7.1.1.	Matvæli, að undanskildum ungbarnablöndum og stoðblöndum (*)	2,5
7.1.2.	Ungbarnablöndur í duftformi og stoðblöndur	1 ⁴

(*) Hámarksgildið gildir ekki um matvæli þar sem hægt er að sanna að meira magn af melamíni en 2,5 mg/kg er afleiðing af viðurkenndri notkun á sýrómasíni sem skordýraeitri. Innihald melamíns skal ekki vera meira en innihald sýrómasíns.